



## Zajednička izjava povodom nedostatka medikamenata

Evropsko udruženje koje predstavlja proizvođače medicinskih proizvoda, paralelne distributere, veleprodavače lijekova i farmaceute je objavilo seriju preporuka na temu informiranja u slučaju nedostatka lijekova.

S naglaskom na transparentnost i dostupnost podataka o nedostatku lijekova, izjava Udruženja je dio šire posvećenosti problemu kako se nositi s ovim nestašicama. Dokazi upućuju da ovo postaje sve češći problem širom Evropske unije, a što se izuzetno odražava na pacijente, zdravstvene radnike, zdravstvene sisteme i snabdjevače.

Preporuke određuju veću transparentnost i pristupačnost podataka o nedostatku lijekova, rano otkrivanje, i procjenu potencijalnih nestašica, dosljednost u izvještavanju, povećan pristup informacijama svim akterima u lancu snabdijevanja, poboljšanje infrastrukture podataka, i predviđa procese zajedničkog upravljanja.

Preporuke imaju za cilj da smanje uticaj koji nestašice imaju na pacijente i zdravstvene radnike tako što će pružiti ažurirane, smislene informacije i poboljšati sposobnost zdravstvenog sistema da dijagnosticira i riješi probleme snabdijevanja kako se oni pojave.

Ova izjava se zasniva na postojećim dobrim praksama i preporučuje specifične elemente modela informacionog sistema za nedostatak lijekova. Evropsko udruženje koje predstavlja proizvođače medicinskih proizvoda, paralelne distributere, veleprodavače lijekova i farmaceute se nada da će, uzimajući u obzir nacionalne karakteristike svake pojedinačne države, ove preporuke pomoći u poboljšanju informacionog sistema na državnom nivou, i da će on predstavljati osnovu za buduću akciju na nivou Evrope.